

طاح أبو فاضل يزنب والعلم مال

انكسر ظهري .. حابر ابأمري

بو الفضل صول على الميدان وثار	يشد عاليمنه او مره اعلى اليسار
والجثث والروس بين ايده نثار	مو عجب من بو الفضل هاللي صدر
فل عزمها او وصل جنب المشرعه	ونار گلبه امن العطش متفرعه
وچنه صوت اطفاله باذنه يسمعه	نزل من صهوة جواده اعلى النهر
نزل واتحسس ابو الفضل الزلال	لكن اتذكر الحوره والعيال
شربة الماي اعلى بو فاضل محال	وابو سكه بالظمه گلبه انفطر
نفض ماي النهر من ايده ورماء	آثر العباس لو يگضي ابظماء
طالع اجموع العده وضاکت سماه	وهاجت احزانه ودمع عينه انهمر

عينه تناظر للسمه وگلبه يحاتي انخيمه ولطفال

ايحاتي الصغار الظاميه ترگب رجوع الساقيه ابولوال

وصوت العزيزه سكه اتنادي	ضيگ على بو فاضل الوادي
عطشانه او جودك اهو امرادي	والله العطش فتت لي افادي

واما العزيزه الصابره يحسها ابلمها تنظره زينب

چنها تگله بالعجل هذي الحراير بالوجل تنحب

لا اتطول اغيابك ييو فاضل	دمع لطفال اعلى الوجن سايل
لو عنك وعن جودك اتسايل	گللي يساگي الظاميه اشحاصل
انت الذي لطفالي الكافل	وانه اللي قلبي كل ألم شايل
وحزني ابُعْدك بالقلب ماثل	رد الجواب اعليه يالكافل

طاح أبو فاضل يزنب والعلم مال

انكسر ظهري .. حابر ابأمري

هذا عباس الشبل من حيدر	فارس الفرسان وسبع الكنطرة
ثابت الوثبة وعظيم المقدره	لو برز للمعركة اتحابه الرجال
لو برد للمعركة ابصوت الرعيد	چنه صوت الموت ينبي بالوعيد
هذا مَنْ يوم المنايه عنده عيد	اسمه عند العدو طوفان ووبال
يگلب اليمنه على اليسره الجزم	وكل كيان الجيش بيده ينهزم
لن علي الكرار هذا المرتسيم	ابصورة العباس لو بالعركه جال

عباس وعنوان الوفه ينصر حبيب المصطفى بالروح

يصعد ابظهر امطهمه وگلبه ايتلظى امن الظمه والجروح

ثابت يقينه ابسيد الأحرار	بصماته في طف كربله تذكار
يدفع عن احسين الأخو الأخطار	چنه الأسد يدفع أذى الأشرار

تشهد له وگعة كربله ويشهد له اتراب الفله ومايه

وعاشر ابذكره ينذكر عباس ورأسه المنطير آيه

أرض الطفوف اتموج من سيفه	وجنب الشريعه أدى تكليفه
هذا المصاب وشوف توصيفه	امصاب وأخذ من الگلب حيفه

طاح أبو فاضل يزنب والعلم مال

انكسر ظهري .. حابر بأمرى

من ملك ماي الفرات ابهيته	غرف غرفه يطفى نار ابهجته
شاهد حسين ورضيعة ابراحته	وعاف شربه وارتوى ابحب الحسين
ساحل الإيثار ما مثله مثل	من ذكر لحسين وعبدالله الطفل
ذب من ايده الماي والمدمع يهل	ونادى هووني يا نفس بعد الحسين
ترس جوده وصعد لمطهم يريد	يوصل ابهمة إلى اخيام الشهيد
بيد راية حيدرة وبّاره بيد	وبالكلب نار العطش مثل الحسين
زلزل الميدان شيال اللوى	وضيّك ابعين العساكر نينوى
هذا والعباس گلبه ما ارتوى	گلبه لو رواه يوصل للحسين

اجيوش العدى ماهمته همه يوصل كربتة الصيوان

مهما العساكر حاطته مايثني عن غايته الإيمان

لازم يزنب أنزل الميدان	جيش العدو حاصر كمر عدنان
نادى السبط من جانب الصيوان	مهري ابعجل يا خيرة النسوان

دني لي ياخيه المهر ما احتمال كسرة ظهر بعده

مقدر يزنب انظره ايجاهد ومنه امفطرة جبهه

لازم أساند حامي الأظعان	وكلها عليه التمت الفرسان
يختي يزنب كافلج عطشان	لا يلتهب خدرج من النيران

طاح أبو فاضل يزيب والعلم مال

انكسر ظهري .. حابر ابأمري

حاطت ابراعي اللوى اجيوش الغدر	وكلبه من حر العطش مثل الجمر
وعنده ماي الجود اغلى امن العمر	ايموت بس يوصل الجود العايلة
كمن خلف النخله بسيفه لعين	ومن لمح چف الوفا ونور الجبين
أهوى بالصارم على الجف اليمين	وانگطع چف الوفا في كربلا
يمنته انگطعت ولا صابه انكسار	وكمين غادر إله في نفس المسار
واهوى بالصارم على الجف اليسار	وانگطع چف الأخوة الكافلة
ضم ابو فاضل البيرگ بالصدر	والدما تنزف على سرج المهر
وصابه ابعينه امثلث بالصدر	اشلون انزعه وچفه طاحت بالفلا
لنها فوگ الراس ضربه من عمود	لا عيون لا چفوف اعلى الزنود
احتار بامرہ اشلون لخيامة يعود	منها دمه ابعجل للبارى اعتلا

والسبط صوّل من سمع سامحي يا خويه انگطع عمري
جاله يعاين حالته وشاف الدما من هامته تجري

يابوالفضل تتركني للعدوان	كلّم عضيدك ياگمر عدنان
نادى يخوية وخيرة الأخوان	حابر غريب وعندي هالنسوان

ظهري يعباس انكسر بفراگك وگلبى انفطر يلهب
يابوالفضل وين ارتحل لو سايلت عن بوالفضل زينب

ترضى على الحورة يدلاي	جاوب أخوك الغالي يالغالي
ياخوية ضاعت بعدك اعيالي	تبگى ييوفاضل بلا والي

طاح أبو فاضل يزينب والعلم مال

انكسر ظهري .. حابر بأمرى

عاف يم النهر حامل رايته	ورجع لخيامه يكفكف عبرته
وزينب ابلهفة وهضمه اتلگته	اتگله خويه وين شيال العلم
خوية ليش اتعود من دون البطل	اشصار بالعباس گلي وشحصل
لا تگول الحامي ياخوية انچتل	وعاف اخوه حسين واخته والحرم
گلهها يا زينب كسر ظهري الكفيل	من نظرته اعلى الثرى ابدمه غسيل
وذاب گلي من شفت مخه يسيل	على چتفه وعينه مصيوبه ابسهم
كافلچ يا بنت أمير المؤمنين	بالشمس مطروح لا يسره ويمين
والعمد فت هامته وصاب الجبين	وعين مصيوبه وعين اعليها دم

صاحت تركته بغربته اينازع طلوع ارويخته ابروحه

لو جبته وياك الخيم انخفف إلى الكافل ألم روحه

گلهها يزينب كافلچ هيهاات	لا تربچينه يرجع الخيمات
حاولت اشيله وصاح بالحسرات	واعدت سكة خلني بالمسناة

وغمض اعيونه وفارگت روحه ابعطشها وما ارتوت بالمائي

عمري بعد عمره انطفى بعده على الدنيا العفا السگاي

يختي ييعد اسنيني وايمامي	يرجع إلينا امحال المحامي
وگبل العدى ما تحرگ اخيامي	اگبالچ يزينب بنذبح ظامي

طاح أبو فاضل يزينب والعلم مال

انكسر ظهري .. حابر بأمرى

زینب اتخاطب أحوها المنصرع	والمدامع تهمي دمها بالدمع
تصيح يا صاحب الزند المنقطع	اسمع الحوره ورد ليها الجواب
عادة اللي ايطيح من ظهر المهر	بيد يتلگى الثرى لمن يخر
گلي اشلون اوگعت آه يالذخر	اشلون يا خويه تلگاك التراب
اشلون وچفك يا عزيزي امقطعه	وسهم ناشب ما أظنك تنزعه
وانته لا چفين وتگدر تطلعه	شيت راسي يخويه بهالمصاب
چنه رد اعليها شبل أم البنين	اعلى الوجه طايح أخوج ابلا معين
والسهم شاله من اعيوني الحسين	وگلبه متوجر ابيران العذاب

ظل يمسح ادموم الوجه وما أدري وينه أتجه عنه

لمن حضر عندي انفجع وگلبه انفطر لمن سمع أنه

خلاني ابججره ومسح راسي	يسمع أنيني وجمره أنفاسي
حسيت أخويه بعدي ايگاسي	وحزنه عليّه بالقلب راسي

گالت إجاني للخيم لحسين او گلبه من الألم مفري

يعظم لي يا خويه الأجر ويگلي يا أم الصبر صبري

گلهها اعذريني ابقطعه ايميني	وگطعه شمالي وهامي واعیوني
صوتچ يا زينب هسه ياذايني	وانتي العزيزه ابجفظي وابصوني
وباچر يخويه لعده تسبيني	وانتوا على الغيره تخلوني
دهري بعدكم خويه يجفييني	وباچر أروح الكوفه بضعوني

طاح أبو فاضل يزنب والعلم مال

انكسر ظهري .. حابر ابأمري